



Framkvæmdarsjóður ferðamanna

Umsóknafrestur 12. september til 15. október.

Framkvæmdarsjóður ferðamannastaða fjármagnar framkvæmdir á ferðamannastöðum og ferðamannaleiðum í eigu eða umsjón sveitarfélaga og einkaaðila.

1. Þjónusta/aðstaða á ferðamannastað eða ferðamannaleið
 - a. Verkefni á stað, sem ekki er nú þegar skilgreindur sem ferðamannastaður en viðkomandi hefur áhuga á að gera hann að slíkum – ný uppbygging.
 - b. Nýja þjónustu eða aðstöðu á þegar skilgreindum ferðamannastað. Framkvæmdin mun auka afköst staðarins/svæðisins og/eða tengjast öryggi eða náttúruvernd.
2. Úrbætur vegna náttúruverndar og/eða öryggis á ferðamannastað eða ferðamannaleið
 - a. Verkefni þar sem verið er að bæta eða lagfæra núverandi aðstöðu á ferðamannastað sem tengist öryggi eða náttúruvernd.
 - b. Aukin afköst við móttöku ferðamanna en þjónusstustig er ekki hækkað. Ef um skipulags- og/eða byggingarleyfisskylda framkvæmd er að ræða, þá þarf að velja leið 1 – þjónusta/aðstaða á ferðamannastað/ferðamannaleið.

Sjóðnum er heimilt að fjármagna framkvæmdir er snúa að:

- Öryggi ferðamanna.
- Náttúruvernd og uppbyggingu.
- Viðhaldi og verndun mannvirkja og náttúru.
- Fjármögnun undirbúnings- og hönnunarvinnu sem er nauðsynleg vegna áðurgreindra framkvæmda.

Upplýsingar sóttar 11/9/23 af <https://island.is/framkvaemdasjodur-ferdamannastad>

Í fyrra var send inn umsókn fyrir hönd sveitarfélagsins um gerð útsýnispalls/göngustígs fram á hafnargarðinn en fékk synjun. Nú er spurning hvort ætti að endurskrifa þá umsókn og reyna aftur eða hvort það séu aðrar hugmyndir sem hægt væri að senda inn, til að mynda verkefni á Langanesinu tengd uppbyggingu Þjóðgarðs. Allar umræður og hugmyndir vel þegnar. Set inn hluta Langanesbyggðar úr Áfangastaðaáætlun en verkefni sem eru þar inni skora 10 stig af 80 þegar verið er að úthluta.

Langanesbyggð

Langanesbyggð skilaði upphaflega ekki inn verkefnum en bætti úr því árið 2021 og skilaði inn 5 verkefnum. Þar bjuggu 598 íbúar, 1. janúar 2022 og er stærð sveitarfélagsins 1.332 km² (með þeim fyrirvara að erfitt er að nálgast tölur vegna nýlegrar sameiningar Langanesbyggðar og Svalbarðshrepps).

Verkefni 1: Stóri Karl

Helstu verkliðir: Hanna og setja upp upplýsingaskilti um fugla (bjargfugl og súlu) og fjarlægja skilti sem fyrir er. Bæta aðgengi fatlaðra sem er mjög erfitt.

Verkefni 2: Fontur

Bílar nálægt vitanum skemma útsýni og bílastæði illa merkt og illa afmarkað. Með verkefninu er meiningin að hefða för vélknúinna tækja að vitanum, þó þannig að umsjónaraðilar komist að vitanum. Þannig er ætlunin að tryggja betri upplifunin þeirra ferðamanna sem heimsækja vitann. **Helstu verkliðir:** Lagfæringar á bílastæði, merking á stæðinu, setja upp upplýsingaskilti um sögu vitans og um Langanesröstina.

Verkefni 3: Hæðin við Sauðanes

Hæðin er mjög góður staður fyrir upplýsingar um Langanesið og Sauðaneshúsið. **Helstu verkliðir:** Gera bílaplan eða útskot og setja upp upplýsingaskilti um fuglalíf, búsetu og lausagöngu búfjár.

Verkefni 4: Stapinn við Bakkaflóa

Markmiðið er að vekja athygli á sérstakri náttúrusmíð við ströndina með miklu fuglalífi. **Helstu verkliðir:** Setja upp þjónustuskilti E0262 - gonguleið og E02.66 fuglaskoðun. Hönnun og uppsetning á fræðsluskilti um fugla og jarðfræði.

Verkefni 5: Gunnólfsvíkurfjall

Markmiðið er að gera betra aðgengi að fjallinu þar sem eitthvert besta útsýni er yfir Langanesið. Vegurinn upp á fjallið er lokaður með keðju í u.þ.b. 200 m hæð en fjallið er rúmlega 700m. Vinna þarf í að fá betra aðgengi á fjallið. **Helstu verkliðir:** Gert hefur verið bílastæði / hringtorg ofar í fjallinu á afar fallegum stað með útsýni yfir Bakkaflóa. Ræða þarf við Lhg um að hækka keðjuna upp að hringtorginu við fyrstu beygju. Vatnsverndarsvæði er á þessum stað og þarf að girða í kringum það.

